

Бизнинг кўлимизга қалам бериб, алифбони ўргатган биринчи ўқитувчимиз сиймосини, дунёга кўзимизни очиб берган мураббийларни, бу улуг зотларнинг фидокорона меҳнати доимо ҳурмат-эҳтиром билан эслаймиз ва қадрлаймиз

СИЗГА ОЛҚИШ, СИЗГА ЭҲТИРОМ

Фақат ижтимоий адолатли фуқаролик жамияти, ҳуқуқий демократик давлатгина билим олиш, илм-фан зиёсидан баҳраманд бўлишдан иборат азалий орзунини рўёбга чиқарди. Лекин илм олиш ҳуқуқини беришгина кифоя эмас. Унинг моддий асосини ҳам яратиш керак. Бунинг учун катта-катта маблағ ажратиш зарур. Бугун Мустақил Ўзбекистонда шундай қилинмоқда. Вилоятимизда шу бир йилда халқ таълимига деярли 58,3 миллиард сўм сарфланаётди. 891 та умумтаълим мактаби бор. Уларда 430 мингдан кўпроқ ўқил-қизларимиз билим олаётди. Лицейлар, коллежлар, олий ўқув юртра-рида-чи?

Мустақиллик йилларида ёшларни касб-хунарга йўналтириш, меҳнат тарбиясининг яхлит, узлуксиз тизимини қарор топди. Бугун вилоятимиздаги 98 та коллежда ўқувчилар турли йўналиш бўйича 114 хилдаги касб-хунарларни эгаллашмоқда.

Буларнинг ҳаммаси ижтимоий саховатпешалик мева-ларидир.

Бекободда бўлсангиз, сизни, албатта, устоз муаллим Нуриазар Ғойибназаров билан таништиришди. Бу киши ислохот тўғрисидаги мақоладаги бурчи чўқур аниқ етган, ўзининг бутун салоҳиятини таълим мукамаллигига сарфлаётган ижодкор педагог. Қирк йил узлуксиз 16-умумтаълим мактабда математика фанидан дарс бериб келган Халқ ўқитувчиси техника воситаларидан, компьютерлардан, ҳисоблаш машиналаридан фойдаланишни турли жиҳатларига оид ўнлаб илмий-услубий мақола, қўллан-малар муаллифидир.

– Ўқув кўргазмаларини муттасил янгилаб, тақомиллаштириб келдим, – дейди устоз. – Янги педагогик технологияларни тез илғаб олиб, моҳиятига етиш ва

амалда қўллашга ҳаракат қилдим. Электрлаштирилган, масофадан туриб бошқариладиган стендлар, “жонли” экранлар мавзунини тўлақонли тушунтириш имконини беради.

Бунинг учун ўқитувчи вақтини аямади, сеvimли юмушига жону жаҳонини бағишлади, ақл-заковатини ишга солди. Фақат касбига фидойи, шогирди учун чинакам саховатли инсонгина бунга қодир.

Бурчин шундай кенг маънода тушунадиган педагоглар оз эмас. Ўзбекистон Республикасида хизмат кўрсатган халқ таълими ходимлари Назира Йўлдошева, Владимир Ким, Галина Горлова, Валижон Абду-холиков сингари юксак салоҳиятли устозлар олдида ҳаммиша тазимдаимиз. Байрам шарофати билан устозларнинг яна бир гуруҳи давлатимизнинг юксак мукофотларига сазовор бўлди.

Бир жиҳати мени лол қолдиради. Нуриазар акани мукофотларини тақиб олган ҳолда қўлини ҳали-ҳануз насиб этгани йўқ. Бироқ биламанки, бу эътироф ва эъзоз нишонлари ўз умрини, қалб саховатини шогирдларига бағишлаган устоз меҳнатига эл-юрт берган ҳолисона баҳо.

Бугун шундай устозларга таъзимдаимиз.

Жўра САЪДУЛЛАЕВ,
«Тошкент ҳақиқати»
муҳбири.



Хур ўлкамиз, саховатли заминимиз узра яна бир қутлуғ тонг отди. Бу куннинг хосияти табиятан бағри кенг халқимиз қалбига яна бир эзгулик бахш этди. Юртбошимиз раҳнамолигида амалга оширилган улуг бунёдкорлик ишларида инсон омили устуворлигини акс эттирувчи хайрли амаллар бисёр.

Бугунги сана – 1 октябрни табаррук касб эгалари – ўқитувчилар ва мураббийлар кунини аташди, уларга ҳурмат-эҳтиром кўрсатилиши ҳамда халқимизнинг эзгуликка эш қадриятларидан бири қутлуғ Ийди Рамазоннинг бугун нишонланаётганлигида ҳам

бир ҳикмат бордек...

Бу байрамларни кўтаринки руҳда, оммавий тарзда кенг нишонлаш ҳақидаги Президент кўрсатмалари доирасида вилоятимизда ҳам кўламли ишлар амалга оширилмоқда. Қутлуғ кунлар олдиндан ҳар йили ҳокимлик вакил-

лари иштирокида махсус гуруҳлар тuzилиб, элимизнинг ардоқли кишиларини, эътиборга муҳтож инсонларни йўқлаб, кўнгил кутариш, моддий ва маънавий рағбат кўрсатиш аниъатига айланган қолганлиги яхши маълум. Кунини кеча вилоят ҳокимлиги, хотин-қизлар кўмитаси томонидан ўтказилган тадбир ҳам айнан мана шу эзгу мақсадларга йўналтирилган. Вилоят ахлини улуг айёмлар муносабати билан қутлаш, иззат-икром кўрсатиш мақсадида махсус байрам совгалари тайёрланди. Халқ-

ҚУТЛУҒ КУНЛАРНИНГ ХАЙРЛИ АМАЛЛАРИ

имиз орасида саховатли, мурувватли, инсонлар кўп. Улар қаторида “Евро-экс-кюзив” таъмирлаш компанияси директори Зарнигор Сафарова ҳам бор. Вилоят ҳокимлиги Оила, оналик ва болаликни муҳофаза қилиш масалалари бўйича котибияти мудири Индира Ҳалимова шундай дейди:

– Байрам арафасида ўз ёрдамини тақлиф қилиб келган тадбиркор Зарнигор Сафарованинг ташаббусини фақат олқишлаш мумкин. Ҳокимлик томонидан тайёрланган байрам совгалари ўз эгаларига, вилоятимиз меҳнат фахрийлари, кам таъминланган оилаларга топширилган экан, уларда Зарнигор каби серҳиммат ҳомийлар ҳиссаси катта.

– Илоё умрларингдан барака топинглар, мендек серфарзанд, бўлинглар, – дейди оққўрғонлик 103 ёшли Саҳобат ва Мухаммедова. – Юртимиз тинч бўлсин. Топганинглар тўйларга буорсин.

Онахон фарзандлари, келинлари орасида ўқитувчилик касбини эъзозлаб келётганлари кўпчилик эканини гурурланиб сўзлайди.

Шунингдек, 102 ёшли Улбош ая Саҳодидина ҳам мустақил Ўзбекистон, унда эмин-эркин яшаб, фаолият юритаётган тадбиркор ўғил-қизларининг фаровон ҳаётидан мамнун.

– Йўқлаб келган қадамларнинг гул битсин, ҳукматимизга омон бўлсин, – дея дуо қилади онахон. Қуйичирчилик Нурия Аҳмадуллоева эса ота-онасиз қолган уч нафар қизалоқни васийликка олган. Васила, Алфира, Диана-лардан тез-тез хабар олиб турган ғамхўр инсонлардан жуда миннатдор.

– Мен туманимиздаги 40-умумтаълим мактабидан рус тили ва адабиётдан дарс бераман, – дейди чинозлик Умидаҳон Ҳолматова. – Ўз касбим билан фахрланаман. Байрам кунларида кўрсатилаётган ҳур-мат-эътибор, совгалар ру-

ҳимизни кўтариб, куч-ғайрат бағишляпти.

Қутлуғ кунларда қимматбаҳо совға-саломлар билан тақдирланган болалар уй тарбияланувчиси янгийўлик Лена Рамазонванинг ҳам кувончи чексиз.

– Мустақил Ўзбекистонда, оқибатли инсонлар ардоғида униб-ўсдим, – дейди у. – Ниятим шифокор бўлиб, мени воёга етказган халқимга хизмат қилиш эди. Хозир тиббиёт коллежини тугатиб, ҳамшира бўлиб ишлаяпман. Биз ёшларга яратилган имкониятлар тўғрисида келгусида орзуларим ушалишига ишонаман.

– Юртбошимизнинг “Са-воб ишни ҳар ким, ҳар кунни қилиши керак” деган сўзлари ҳаммиша ёдимда, – дейди тадбир хомийси Зарнигор Сафарова. – Халқимизнинг тинч, фаровон ҳаёт кеңиришида заррача ҳиссам бўлса дейман.

Сайёра РИХСИЕВА,
«Тошкент ҳақиқати»
муҳбири.

МАЪРИФАТ ЎЧОҒИ

Навқирон авлодни маънан камол топтириш, уларни илму зиё нуридан баҳраманд этишдек хайрли вазифани бажаришда устоз-мураббийларимизнинг шарафли меҳнати беқийсдир.

Шу сабаб мустақиллик йилларида таълим соҳасига алоҳида эътибор қаратилиб, нафақат ўқувчи-ёшлар, балки, моҳир педагогларимиз учун ҳам қўлай шарт-шароитлар яратилмоқда.

Оққўрғон туманидаги 39-умумтаълим мактаби давлат манзилли дастурига асосан қайта таъмирланди. Эски, деярли мослаштирилган бу ўқув биноси кўркам, замонавий илм масканига айланди.

Бу каби қўлай шарт-шароит педагогик жамоа учун ҳам, илмга чанқоқ ўқувчилар учун ҳам кенг имкониятларни яратди, – дейди мактаб директори Зулфиқор Мавлонов. – Ҳозир 300 нафар ўғил-қиз таълим-тарбия олмақда. 30 нафар малакали педагогларимиз ёшларни ҳар жиҳатдан бар-

камол қилиб тарбиялаш ҳаракатида-лар. Ўткир Шоисоқов, Дилфуза Қозок-боева, Адиба Рисқулова каби ўнга ақин ёш педагогларимиз ҳам тажрибали устозлар йўлидан бориб, касб сир-асрорларини мукамал эгаллашмоқдалар. Устозлардан пухта сабоқ олган ўқувчиларимиздан Фарход Са-манов, Мафтуна Мамақулова фан олимпиадаларида муваффақиятли иштирок этиб, вилоят босқичида тенгдошларидан ҳар жиҳатдан устунликларини намоян этишди.

Саид ҲАСАНОВ.

СУРАТДА: мактаб педагогик жамоаси.

Еркебой БОТИРОВ олган сурат.



«ОЛМАЛИҚ ГҲШТ-СУТ САВДО»

очиқ акциядорлик жамияти жамоаси

Озод ва обод юрт фарзандларини ҳар томонлама етук ва баркамол инсонлар қилиб тарбиялаш йўлида самарали меҳнат қилаётган халқ таълими ходимларини, ўқув юртлири профессор-ўқитувчиларини, илм-фан соҳасининг барча вакилларини Ўқитувчилар ва мураббийлар кунини билан қизғин қутлайди.

Ота-она каби улуг ва қадрли устоз ва мураббийларимизнинг йўллари ҳаммиша нурли, ҳаётлари сермазмун, кундалик меҳнат фаолиятлари ютуқларга бой бўлаверсин!



«ЭНЕРГОҚОЗОНТОЗАЛАШ»

очиқ акциядорлик жамияти кузатув кенгаши ҳамда корхона жамоаси

Мустақил республикамизда Кадрлар тайёрлаш миллий дастури ижросини муваффақиятли таъминланишига улкан ҳисса қўшаётган устоз ва мураббийларини анъанавий касб байрамлари билан самимий муборакбод этади.

Уларнинг ёш авлодни маънан ва жисмонан етук, комил инсонлар қилиб тарбиялаш йўлидаги улуг мақсадлари рўёбга чиқаверсин!

Хонадонларидан тинчлик, хотиржамлик, бахт ва барака аримасин.



